

金剛般若波羅蜜經

南無本師釋迦牟尼佛



金剛經啟請

爐香讚

爐香乍爇。法界蒙薰。諸佛海會悉遙聞。
隨處結祥雲。誠意方殷。諸佛現全身。
南無香雲蓋菩薩摩訶薩

（三稱）

淨口業真言

修唎修唎。摩訶修唎。修修唎。薩婆訶。

淨三業真言

唵。娑嚩婆嚩秬馱。娑嚩達摩娑嚩。婆嚩

秬度憾。

金剛經

金剛經啟請

安土地真言

南無三滿哆。母馱喃。唵。度嚕度嚕。地尾
薩婆訶。

普供養眞言

唵。誑誑曩。三婆嚩。鞞日囉斛。

金剛經

金剛經啟請

奉請八金剛

奉請青除災金剛

奉請辟毒金剛

奉請黃隨求金剛

奉請白淨水金剛

奉請赤聲火金剛

奉請定持災金剛

奉請紫賢金剛

奉請大神金剛

奉請四菩薩

奉請金剛眷菩薩

奉請金剛索菩薩

奉請金剛愛菩薩

奉請金剛語菩薩

發願文

稽首三界尊 皈依十方佛 我今發宏願

金剛經

金剛經啟請

持此金剛經 上報四重恩 下濟三塗苦

若有見聞者 悉發菩提心 盡此一報身

同生極樂國

云何梵

云何得長壽 金剛不壞身 復以何因緣

得大堅固力。云何於此經。究竟到彼岸。
願佛開微密。廣爲眾生說。

金剛經

金剛經啟請

開經偈

無上甚深微妙法。百千萬劫難遭遇。
我今見聞得受持。願解如來真實義。

8

南無祇園會上佛菩薩。(三稱)

金剛般若波羅蜜經

姚秦三藏法師鳩摩羅什譯

法會因由分第一

如是我聞。一時佛在舍衛國祇樹給孤獨園。與大比丘眾千二百五十人俱。爾時

9

金剛經

法會因由分第一

世尊食時。著衣持鉢。入舍衛大城乞食。於其城中次第乞已。還至本處。飯食訖。收衣鉢。洗足已。敷座而坐。

善現啟請分第二

時長老須菩提，在大眾中即從座起。偏

10

7

袒右肩。右膝著地。合掌恭敬。而白佛言。希有。世尊。如來善護念諸菩薩。善付囑諸菩薩。世尊。善男子，善女人，發阿耨多羅三藐三菩提心，云何應住。云何降伏其心。佛言。善哉善哉。須菩提。如汝所

金剛經

善現啟請分第二

說，如來善護念諸菩薩。善付囑諸菩薩。汝今諦聽。當爲汝說。善男子，善女人，發阿耨多羅三藐三菩提心，應如是住。如是降伏其心。唯然世尊。願樂欲聞。

大乘正宗分第三

金剛經

大乘正宗分第三

佛告須菩提。諸菩薩摩訶薩，應如是降伏其心。所有一切眾生之類。若卵生。若胎生。若濕生。若化生。若有色。若無色。若有想。若無想。若非有想非無想。我皆令入無餘涅槃而滅度之。如是滅度無量

金剛經

妙行無住分第四

無數無邊眾生，實無眾生得滅度者。何以故。須菩提。若菩薩有我相人相眾生相壽者相，卽非菩薩。

妙行無住分第四

復次。須菩提。菩薩於法，應無所住，行

於布施。所謂不住色布施。不住聲香味觸法布施。須菩提。菩薩應如是布施。不住於相。何以故。若菩薩不住相布施，其福德不可思量。須菩提。於意云何。東方虛空。可思量不。不也。世尊。須菩提。南

金剛經

妙行無住分第四

西北方四維上下虛空。可思量不。不也。世尊。須菩提。菩薩無住相布施，福德亦復如是不可思量。須菩提。菩薩但應如所教住。

如理實見分第五

金剛經

如理實見分第五

須菩提。於意云何。以身相見如來不。不也。世尊。不可以身相得見如來。何以故。如來所說身相卽非身相。佛告須菩提。凡所有相。皆是虛妄。若見諸相非相，卽見如來。

金剛經

正信希有分第六

正信希有分第六

須菩提白佛言。世尊。頗有眾生，得聞如是言說章句，生實信不。佛告須菩提。莫作是說。如來滅後，後五百歲。有持戒脩福者。於此章句，能生信心，以此爲實。

當知是人，不於一佛二佛三四五佛而種善根。已於無量千萬佛所種諸善根。聞是章句，乃至一念生淨信者。須菩提。如來悉知悉見，是諸眾生，得如是無量福德。何以故。是諸眾生，無復我相人相

金剛經

正信希有分第六

眾生相壽者相。無法相。亦無非法相。何以故。是諸眾生，若心取相，則爲著我人眾生壽者。若取法相，卽著我人眾生壽者。何以故。若取非法相，卽著我人眾生壽者。是故不應取法，不應取非法。以是義故，如來常說，汝等比丘知我說法如筏喻者。法尙應捨，何況非法。

無得無說分第七

須菩提。於意云何。如來得阿耨多羅三藐三菩提耶。如來有所說法耶。須菩提

金剛經

無得無說分第七

言。如我解佛所說義。無有定法名阿耨多羅三藐三菩提。亦無有定法如來可說。何以故。如來所說法，皆不可取。不可說。非法非非法。所以者何。一切賢聖皆以無爲法而有差別。

依法出生分第八

須菩提。於意云何。若人滿三千大千世界七寶，以用布施。是人所得福德，寧爲多不。須菩提言。甚多。世尊。何以故。是福德，卽非福德性，是故如來說福德多。

金剛經

依法出生分第八

若復有人，於此經中，受持乃至四句偈等，爲他人說。其福勝彼。何以故。須菩提。一切諸佛，及諸佛阿耨多羅三藐三菩提法，皆從此經出。須菩提。所謂佛法者，卽非佛法。

一相無相分第九

須菩提。於意云何。須陀洹能作是念，我得須陀洹果不。須菩提言。不也。世尊。何以故。須陀洹名爲入流。而無所入。不入色聲香味觸法。是名須陀洹。須菩提。於

金剛經

一相無相分第九

意云何。斯陀含能作是念，我得斯陀含果不。須菩提言。不也。世尊。何以故。斯陀含名一往來。而實無往來。是名斯陀含。須菩提。於意云何。阿那含能作是念，我得阿那含果不。須菩提言。不也。世

尊。何以故。阿那含名爲不來。而實無不來。是故名阿那含。須菩提。於意云何。阿羅漢能作是念，我得阿羅漢道不。須菩提言。不也。世尊。何以故。實無有法。名阿羅漢。世尊。若阿羅漢作是念，我得阿

金剛經

一相無相分第九

羅漢道。卽爲著我人眾生壽者。世尊。佛說我得無諍三昧。人中最爲第一。是第一離欲阿羅漢。世尊。我不作是念，我是離欲阿羅漢。世尊。我若作是念，我得阿羅漢道。世尊則不說須菩提是樂阿蘭那行者。以須菩提實無所行。而名須菩提是樂阿蘭那行。

莊嚴淨土分第十

佛告須菩提。於意云何。如來昔在然燈佛所，於法有所得不也。世尊。如來

金剛經

莊嚴淨土分第十

在然燈佛所，於法實無所得。須菩提。於意云何。菩薩莊嚴佛土不也。世尊。何以故。莊嚴佛土者，卽非莊嚴，是名莊嚴。是故須菩提。諸菩薩摩訶薩，應如是生清淨心。不應住色生心。不應住聲

香味觸法生心。應無所住而生其心。須菩提。譬如有人，身如須彌山王。於意云何。是身為大不。須菩提言。甚大。世尊。何以故。佛說非身。是名大身。

無爲福勝分第十一

金剛經

無爲福勝分第十一

須菩提。如恆河中所有沙數，如是沙等恆河。於意云何。是諸恆河沙寧爲多不。須菩提言。甚多。世尊。但諸恆河尚多無數，何況其沙。須菩提。我今實言告汝。若有善男子善女人，以七寶滿爾所恆河沙

數三千大千世界，以用布施。得福多不。須菩提言。甚多。世尊。佛告須菩提。若善男子，善女人，於此經中，乃至受持四句偈等，爲他人說。而此福德，勝前福德。

尊重正教分第十二

金剛經

尊重正教分第十二

復次。須菩提。隨說是經，乃至四句偈等。當知此處，一切世間天人阿脩羅，皆應供養，如佛塔廟。何況有人盡能受持讀誦。須菩提。當知是人，成就最上第一希有之法。若是經典所在之處，卽爲有佛，

若尊重弟子。

如法受持分第十三

爾時須菩提白佛言。世尊。當何名此經。我等云何奉持。佛告須菩提。是經名爲金剛般若波羅蜜。以是名字，汝當奉持。

金剛經

如法受持分第十三

所以者何。須菩提。佛說般若波羅蜜，卽非般若波羅蜜，是名般若波羅蜜。須菩提。於意云何。如來有所說法不。須菩提白佛言。世尊。如來無所說。須菩提。於意云何。三千大千世界所有微塵，是爲多

不。須菩提言。甚多。世尊。須菩提。諸微塵如來說非微塵，是名微塵。如來說世界非世界，是名世界。須菩提。於意云何。可以三十二相見如來不。不也。世尊。不可以三十二相得見如來。何以故。如來

金剛經

如法受持分第十三

說三十二相卽是非相，是名三十二相。須菩提。若有善男子，善女人，以恆河沙等身命布施。若復有人，於此經中，乃至受持四句偈等，爲他人說。其福甚多。

離相寂滅分第十四

爾時須菩提。聞說是經。深解義趣。涕淚悲泣。而白佛言。希有。世尊。佛說如是甚深經典。我從昔來所得慧眼，未曾得聞如是之經。世尊。若復有人得聞是經。信心清淨。則生實相。當知是人，成就第一

金剛經

離相寂滅分第十四

希有功德。世尊。是實相者即是非相，是故如來說名實相。世尊。我今得聞如是經典。信解受持。不足爲難。若當來世，後五百歲。其有眾生，得聞是經。信解受持。是人則爲第一希有。何以故。此人無

我相無人相無眾生相無壽者相。所以者何。我相即是非相。人相眾生相壽者相，即是非相。何以故。離一切諸相。卽名諸佛。佛告須菩提。如是如是。若復有人，得聞是經。不驚不怖不畏。當知是人，甚爲

金剛經

離相寂滅分第十四

希有。何以故。須菩提。如來說第一波羅蜜，卽非第一波羅蜜，是名第一波羅蜜。須菩提。忍辱波羅蜜，如來說非忍辱波羅蜜，是名忍辱波羅蜜。何以故。須菩提。如我昔爲歌利王割截身體。我於爾時，

無我相無人相無眾生相無壽者相。何以故。我於往昔節節支解時。若有我相人相眾生相壽者相，應生瞋恨。須菩提。又念過去，於五百世作忍辱仙人。於爾所世，無我相無人相無眾生相無壽者相。

金剛經

離相寂滅分第十四

是故須菩提。菩薩應離一切相，發阿耨多羅三藐三菩提心。不應住色生心。不應住聲香味觸法生心。應生無所住心。若心有住，即爲非住。是故佛說菩薩心不應住色布施。須菩提。菩薩爲利益一

切眾生故，應如是布施。如來說一切諸相，即是非相。又說一切眾生，即非眾生。須菩提。如來是真語者，實語者，如語者，不誑語者，不異語者。須菩提。如來所得法，此法無實無虛。須菩提。若菩薩心

金剛經

離相寂滅分第十四

住於法而行布施。如人入暗，則無所見。若菩薩心不住法而行布施。如人有目，日光明照，見種種色。須菩提。當來之世。若有善男子，善女人，能於此經受持讀誦。則爲如來以佛智慧，悉知是人，悉見

是人，皆得成就無量無邊功德。

持經功德分第十五

須菩提。若有善男子，善女人，初日分以恆河沙等身布施。中日分復以恆河沙等身布施。後日分亦以恆河沙等身布施。

金剛經

持經功德分第十五

如是無量百千萬億劫，以身布施。若復有人，聞此經典，信心不逆。其福勝彼。何況書寫受持讀誦，爲人解說。須菩提。以要言之。是經有不可思議，不可稱量無邊功德。如來爲發大乘者說，爲發最上

乘者說。若有人能受持讀誦，廣爲人說。如來悉知是人，悉見是人，皆得成就不可量，不可稱，無有邊，不可思議功德。如是人等，則爲荷擔如來阿耨多羅三藐三菩提。何以故。須菩提。若樂小法者，著

金剛經

持經功德分第十五

我見人見眾生見壽者見。則於此經，不能聽受讀誦，爲人解說。須菩提。在在處處，若有此經。一切世間天人阿脩羅，所應供養。當知此處，則爲是塔。皆應恭敬，作禮圍繞，以諸華香而散其處。

能淨業障分第十六

復次。須菩提。善男子，善女人，受持讀誦此經，若爲人輕賤。是人先世罪業，應墮惡道。以今世人輕賤故，先世罪業則爲消滅。當得阿耨多羅三藐三菩提。須菩

金剛經

能淨業障分第十六

提。我念過去無量阿僧祇劫，於然燈佛前，得值八百四千萬億那由他諸佛。悉皆供養承事，無空過者。若復有人，於後末世，能受持讀誦此經。所得功德，於我所供養諸佛功德，百分不及一。千萬億

分，乃至算數譬喻所不能及。須菩提。若善男子，善女人，於後末世，有受持讀誦此經，所得功德。我若具說者，或有人聞，心卽狂亂。狐疑不信。須菩提。當知是經義不可思議，果報亦不可思議。

金剛經

究竟無我分第十七

究竟無我分第十七

爾時須菩提白佛言。世尊。善男子，善女人，發阿耨多羅三藐三菩提心，云何應住。云何降伏其心。佛告須菩提。善男子，善女人，發阿耨多羅三藐三菩提心者。

當生如是心，我應滅度一切眾生，滅度一切眾生已，而無有一眾生實滅度者。何以故。須菩提。若菩薩有我相人相眾生相壽者相，則非菩薩。所以者何。須菩提。實無有法發阿耨多羅三藐三菩提心。

金剛經

究竟無我分第十七

者。須菩提。於意云何。如來於然燈佛所，有法得阿耨多羅三藐三菩提不。不也。世尊。如我解佛所說義。佛於然燈佛所，無有法得阿耨多羅三藐三菩提。佛言。如是如是。須菩提。實無有法如來得

阿耨多羅三藐三菩提。須菩提。若有法如來得阿耨多羅三藐三菩提者，然燈佛則不與我授記。汝於來世，當得作佛，號釋迦牟尼。以實無有法得阿耨多羅三藐三菩提，是故然燈佛與我授記。作是言。

金剛經

究竟無我分第十七

汝於來世，當得作佛，號釋迦牟尼。何以故。如來者，即諸法如義。若有人言。如來得阿耨多羅三藐三菩提。須菩提。實無有法，佛得阿耨多羅三藐三菩提。須菩提。如來所得阿耨多羅三藐三菩提，

於是中無實無虛。是故如來說一切法皆是佛法。須菩提。所言一切法者，即非一切法，是故名一切法。須菩提。譬如人身長大。須菩提言。世尊。如來說人身長大，即爲非大身，是名大身。須菩提。菩薩亦

金剛經

究竟無我分第十七

如是。若作是言。我當滅度無量眾生。則不名菩薩。何以故。須菩提。實無有法名爲菩薩。是故佛說一切法無我無人無眾生無壽者。須菩提。若菩薩作是言。我當莊嚴佛土。是不名菩薩。何以故。如來說

莊嚴佛土者，即非莊嚴，是名莊嚴。須菩提。若菩薩通達無我法者。如來說名，真是菩薩。

一體同觀分第十八

須菩提。於意云何。如來有肉眼不。如

金剛經

一體同觀分第十八

是。世尊。如來有肉眼。須菩提。於意云何。如來有天眼不。如是。世尊。如來有天眼。須菩提。於意云何。如來有慧眼不。如是。世尊。如來有慧眼。須菩提。於意云何。如來有法眼不。如是。世尊。如來有法

眼。須菩提。於意云何。如來有佛眼不。如是。世尊。如來有佛眼。須菩提。於意云何。如恆河中所有沙。佛說是沙不。如是。世尊。如來說是沙。須菩提。於意云何。如一恆河中所有沙，有如是沙等恆河，是

金剛經

一體同觀分第十八

諸恆河所有沙數，佛世界如是。寧爲多不。甚多。世尊。佛告須菩提。爾所國土中，所有眾生，若干種心。如來悉知。何以故。如來說諸心，皆爲非心，是名爲心。所以者何。須菩提。過去心不可得。現在

金剛經

法界通化分第十九

心不可得。未來心不可得。

法界通化分第十九

須菩提。於意云何。若有人滿三千大千世界七寶，以用布施。是人以是因緣，得福多不。如是。世尊。此人以是因緣，得福

金剛經

離色離相分第二十

甚多。須菩提。若福德有實，如來不說得福德多。以福德無故，如來說得福德多。

離色離相分第二十

須菩提。於意云何。佛可以具足色身見不。不也。世尊。如來不應以具足色身見。

何以故。如來說具足色身，卽非具足色身，是名具足色身。須菩提。於意云何。如來可以具足諸相見不。不也。世尊。如來不應以具足諸相見。何以故。如來說諸相具足，卽非具足，是名諸相具足。

金剛經

非說所說分第二十一

非說所說分第二十一

須菩提。汝勿謂如來作是念，我當有所說法。莫作是念。何以故。若人言如來有所說法，卽爲謗佛。不能解我所說故。須菩提。說法者，無法可說，是名說法。爾時

慧命須菩提白佛言。世尊。頗有眾生，於未來世，聞說是法，生信心不。佛言。須菩提。彼非眾生，非不眾生。何以故。須菩提。眾生眾生者，如來說非眾生，是名眾生。

金剛經

無法可得分第二十二

無法可得分第二十二

須菩提白佛言。世尊。佛得阿耨多羅三藐三菩提，爲無所得耶。佛言。如是如是。須菩提。我於阿耨多羅三藐三菩提，乃至無有少法可得，是名阿耨多羅三藐三

菩提。

淨心行善分第二十三

復次。須菩提。是法平等。無有高下。是名阿耨多羅三藐三菩提。以無我無人無眾生無壽者，脩一切善法，即得阿耨多羅

金剛經

淨心行善分第二十三

三藐三菩提。須菩提。所言善法者，如來說即非善法，是名善法。

福智無比分第二十四

須菩提。若三千大千世界中所有諸須彌山王，如是等七寶聚，有人持用布施。若

金剛經

福智無比分第二十四

人以此般若波羅蜜經，乃至四句偈等，受持讀誦，爲他人說。於前福德，百分不及一。百千萬億分，乃至算數譬喻所不能及。

化無所化分第二十五

金剛經

化無所化分第二十五

須菩提。於意云何。汝等勿謂如來作是念，我當度眾生。須菩提。莫作是念。何以故。實無有眾生如來度者。若有眾生如來度者，如來即有我人眾生壽者。須菩提。如來說有我者，即非有我。而凡夫

之人，以爲有我。須菩提。凡夫者，如來說
卽非凡夫，是名凡夫。

法身非相分第二十六

須菩提。於意云何。可以三十二相觀如
來不。須菩提言。如是如是以三十二相

金剛經

法身非相分第二十六

觀如來。佛言。須菩提。若以三十二相觀
如來者，轉輪聖王卽是如來。須菩提白
佛言。世尊。如我解佛所說義。不應以三
十二相觀如來。爾時世尊而說偈言。

若以色見我 以音聲求我

是人行邪道 不能見如來

無斷無滅分第二十七

須菩提。汝若作是念，如來不以具足相
故，得阿耨多羅三藐三菩提。須菩提。莫
作是念，如來不以具足相故，得阿耨多

金剛經

無斷無滅分第二十七

羅三藐三菩提。須菩提。汝若作是念，發
阿耨多羅三藐三菩提心者，說諸法斷
滅。莫作是念。何以故。發阿耨多羅三藐
三菩提心者，於法不說斷滅相。

不受不貪分第二十八

須菩提。若菩薩以滿恆河沙等世界七寶，持用布施。若復有人，知一切法無我，得成於忍。此菩薩勝前菩薩所得功德。何以故。須菩提。以諸菩薩不受福德故。須菩提白佛言。世尊。云何菩薩不受福德。須菩提。菩薩所作福德，不應貪著。是故說不受福德。

金剛經

不受不貪分第二十八

威儀寂靜分第二十九

須菩提。若有人言，如來若來若去若坐若臥。是人不解我所說義。何以故。如來者，無所從來，亦無所去，故名如來。

金剛經

威儀寂靜分第二十九

一合理相分第三十

須菩提。若善男子，善女人，以三千大千世界碎爲微塵。於意云何。是微塵眾，寧爲多不。須菩提言。甚多。世尊。何以

金剛經

一合理相分第三十

故。若是微塵眾實有者，佛卽不說是微塵眾。所以者何。佛說微塵眾，卽非微塵眾，是名微塵眾。世尊。如來所說三千大千世界，卽非世界，是名世界。何以故。若世界實有者，卽是一合相。如來

說一合相，卽非一合相，是名一合相。須菩提。一合相者，卽是不可說。但凡夫之人，貪著其事。

知見不生分第三十一

須菩提。若人言，佛說我見人見眾生見

金剛經

知見不生分第三十一

壽者見。須菩提。於意云何。是人解我所說義不。不也。世尊。是人不解如來所說義。何以故。世尊說我見人見眾生見壽者見，卽非我見人見眾生見壽者見，是名我見人見眾生見壽者見。須菩提。發

阿耨多羅三藐三菩提心者，於一切法，應如是知，如是見，如是信解，不生法相。須菩提。所言法相者，如來說卽非法相，是名法相。

應化非真分第三十二

金剛經

應化非真分第三十二

須菩提。若有人以滿無量阿僧祇世界七寶，持用布施。若有善男子，善女人，發菩提心者。持於此經，乃至四句偈等，受持讀誦，爲人演說。其福勝彼。云何爲人演說。不取於相，如如不動。何以故。

一切有爲法 如夢幻泡影
如露亦如電 應作如是觀

佛說是經已。長老須菩提，及諸比丘比丘尼，優婆塞優婆夷，一切世間天人阿脩羅。聞佛所說，皆大歡喜。信受奉行。

金剛經

應化非真分第三十二

金剛般若波羅蜜經

般若無盡藏真言

納謨薄伽伐帝。鉢唎若。波羅蜜多曳。怛

姪他。唵。訖唎。地唎。室唎。戌嚕知。三密
栗知。佛社曳娑訶。

金剛心真言

唵。烏倫尼。娑婆訶。

金剛經

真言

補闕真言

南謨喝囉怛那哆囉夜耶。佉囉佉囉。俱
住俱住。摩囉摩囉。虎囉。吽。賀賀。蘇怛
拏。吽。潑抹拏。娑婆訶。

補闕圓滿真言

唵。呼嚧呼嚧。社曳穆契娑訶。

普回向真言

唵。娑摩囉。娑摩囉。弭摩曩。薩縛訶。摩

金剛經

真言

訶斫迦羅嚩吽。

金剛讚

斷疑生信。絕相超宗。頓忘人法解真空。
般若味重重。四句融通。福德歎無窮。
南無祇園會上佛菩薩 (三稱)

注參照樣本明賜題名單行本(上海市佛教協會印行)所用格式以及分段咒語，弘一大師手書單行本所用標點符號。

金剛經

按封底回封面

